

國朝詩人徵略

國朝詩人徵略卷四十

番禺張維屏子樹輯

姚鼐

字姬傳江南桐城人乾隆二十八年進士官禮部郎中有惜抱軒集

姬傳豈弟慈祥而襟期蕭曠有山澤間儀有松石間意簿書刀筆雅非所好也詩旨清雋晚學王局翁尤多見道之語既歸屢主安徽敬敷江寧鍾山揚州安定三書院以讀書學道教多士古文淳古簡淨紓徐往復亦多不盡之味湖海詩傳

姬傳甫弱冠而學已無所不窺天既賦姬傳以不
世之才而姬傳又深有志於古人之不朽

海峰文集

予見姚姬傳所爲誌銘雜文必把讀五六徧不能

去手其文簡澹清深翛然有得於性情之際

淵雅堂集

惜抱軒集十卷前三卷亦多攷訂家言自記序以

後文始驚絕朱竹君一傳尤有史筆

同上

姚鼐曰唐時凡入史館者必令作名臣傳所以覩
史才今史館大臣傳率抄錄

上諭吏牘謂以避黨仇譽毀之嫌而名臣行績遂於傳中
不可得見然則私傳安可廢乎

惜抱軒文後集

惜抱文集乍閱之似不甚可喜再三閱之淳澹質中有義有法自是古文正宗

聽松齋文鈔

標題

送演綸歸里

五古

暮行青山下宿田家作

七古

舟中望板子磯山勢甚奇因題長句

七古

子穎禹卿同游累日作詩紀之

五古

金麓村招游莫愁湖醉中作歌

七古

摘句 聖人不可作遺經啓蒙愚大義乖復明實

賴宋諸儒其言若澹泊其旨乃膏腴我

朝百年來教學秉程朱博聞強識士論經
良補苴大小則有辨豈謂循異塗奈何習

轉勝意縱而辭誣競言能漢學瑣細搜殘
餘

文章兩司馬擅爲西漢雄人君取士節優
劣安得同

所志尙千百爲者纔八九

一從捫蝨話屢歎阿龍超

閉門生逕草空砌墮隣花

萬頃波平天四面九霄風定月當中

岳陽樓

河流畫地分中夏雲氣隨風出大荒

秋聲城郭千家樹返照雲霞萬里天

青楓江上人纔返黃菊花初蟹欲肥

往日讀書真恨少少年如子豈能多

中年樂趣殊兒輩此日儒林少丈人

三月晚春悲老物百年後死待奇才

但使體中還少壯更偕兒輩向詩書

亂世鳥飛難擇木男兒豹死自留皮

弔王
彥章

五十年間都憶起一燈廿四卷中詩

湯大奎

字曾輅號緯堂江南武進人乾隆二十八年進士

官鳳山知縣有緯堂詩略

君之在鳳山也秩滿候代屬賊勢蔓延縣故無城
君率僚佐募鄉勇爲守禦計一夕酌酒勞客君口
占曰今日不知明日事他生未卜此生休典史史
謙訝其語不祥君曰人孰無死身旣許國成敗聽
之願諸君共相勉爾神色忼壯座客爲之罷酒平
明賊果來攻與參將瑚圖禮禦之賊稍卻參將馳
馬逐賊去君聞城北有警急馳歸得內應四人立
斬以徇方獎厲兵役煮鬻糜飼衆賊已哭進北門
入縣治典史守獄死閹人王明素負膂力力屈亦
死僕林坤手格之斷四指暈絕仆地君則朝服坐

廳事手劙擊賊賊刃交下猶瞋目詈不止時長子荀業侍以身蔽翼其父不去遂同遇害時乾隆五十一年十二月十三日也督撫上其居官死事狀

賜襲雲騎尉世職

予祭葬

亦有生
齋集

君撰琰硯瑣譚十二卷效鏡是非揚扢風雅賊起臺灣君死事及事平僅存第十卷補遺一卷同上

湯荀業字楚儒一字與竹緯堂公長子也隨父之官林逆作亂將及鳳山緯堂公見賊勢猖謂公子曰汝無官守可以去對曰事母有弟在父以死守

城兒以死從父忍臨難苟免耶聞者壯其言越日賊至公朝服仗劍坐堂上公子佩刀侍賊上階公殺賊數人公子亦拔刀格殺以身翼蔽其父賊蜂擁兵刃交下父子皆遇害張維屏曰於戲臣死忠子死孝忠臣孝子萃於一門此邦家之光名教之效也吾友湯雨生騎尉爲忠臣之孫孝子之子蒙恩世襲雲騎尉遂以文人而爲儒將與余訂交垂二十年昨自浙郵書屬爲尊甫與竹先生墓表因未見詩是編無從采入爰撮舉其大節附識於緯堂公事

略之後

聽松齋文鈔

摘句

大道歸私淑斯文復在茲學參曾闕列術

可帝王師

謁

孟廟

雲從秋後白峰入晚來青

雪晴蕭寺冷風定遠山明

降王鳥喙方嘗膾浣女蛾眉恰捧心
姑蘇懷古

窮士痛心曾乞食美人報國是傾城

人來小縣門如水座有名花吏亦仙
振衣竟欲凌風去回首方知行路難

祝德麟

字止堂浙江海寧人乾隆二十八年進士官御史

有悅親樓詩鈔

匯草言人稿集卷上

三

君未冠登第官翰林其間或典試或視學關中天府川中地險以暨八閩濱海之區無不備歷及改官御史以言事不合鑄級歸里僑居五湖三泖間授徒自給日以詩酒友朋之樂若漾其襟懷

夢樓文集

芷塘詩以性靈爲主亦能驅遣故實益欲力追其

鄉先輩查初白及其房師趙甌北兩先生

聽松齋詩話

醉蝦罕見佳詠芷堂有句云有生難得惟中酒剗死何曾肯著緋頗足解頤

同上

標題 讀史襍詠九首五
讀白詩偶有所觸因

韻成篇五 所見三首

五古第一首第二首

冬蟲

夏草詩五

讀宋史三首

五古

摘句

虞廷賡喜起臯陶本詩人

功業無可見專意立文字

六經不難讀字字皆近情盤誥固聾牙當時詔黎甿如今官文書或別有式程不然多舛脫口授由伏生

正復苦岑寂小童報客至吾誠喜客談且莫談世事平生肄業及詩書多疑義觸舉一二端剖析證同異

文人好翻案偏斷類寡識

兒毋輕視身是嬾一塊肉

庸醫難與謀以藥試人疾欲生是其心欲死是其術

交親非不多知心間有幾

本爲貧而仕仕而貧益甚

當歸真有寄薏苡喜無嫌

大能尊孔子空不啟禪門

莊子

真詮規矩外天趣性情中

論詩

三千世界塵入百功德海

功德言從何上立畫詩書且一身藏
讀書纔信董吐易忍事偏於醉後難
并無富貴誇奏夢差免形神病夏畦

人到中年增感慨文難異代享聲名

每因一字難安處吟到三更渴睡時

論文豈敢輕餘子飲酒何妨得老兵

世途誰可呼將伯家事母來潤乃公

漢試篆書九千字唐升禮部十三經

尺五天邊韋杜曲一千年外帝王州

西安

地棄燕雲原失算天生宗岳爲何人

汴州懷古

一死易酬知己德千金難買美人心綠珠

默啜何難防戊己支祁不過守庚辰

平綱
甸

肯拋冊府詩書畫忽學官箴清慎勤

辦事
翰林

豈料編文煩李漢每緣問字賞侯芭

淡到可憐方絕世生猶無色肯言香

白秋
海棠

飢驅到爾真羞澀鑒賞由人或愛憐

鬻書
及硯

豕柵牛欄俱入畫半依修竹半桃花

我無姬妾相寒暖不是君憐更有誰

貽內
詩二

那得不爲祧廟主小門生已有門生

直同千佛名經看好句流傳不在多

詩二

沈初

字景初號雲椒浙江平湖人乾隆二十八年

賜進士第二人官至戶部尙書諡文恪有蘭韻堂集

雲椒司農母陸太夫人遺腹生子三歲殤哭之慟以朱志其臂曰天不絕吾家若再生當以汝歸是月司農生於鳴珂里之族氏陸太夫人聞之心動索視之臂朱灼然遂請撫之五歲卽能辨四聲稍長研究諸經旁通子史通籍後

命直內廷賡歌矢音由侍講學士詹事淳擢禮部兵部侍郎充會試副總裁官視學福建順天江蘇江西諸

大省所拔皆績學士每奉

諭旨以好學政目之進左都御史尋授兵部尙書調吏部
主順天鄉試遭遇之隆數十年如一日入贊

樞務精白一心不立異亦不苟同

兩浙輸
軒錄

上命內廷諸臣舉翰林數人劉文正公于文襄公裘文達
公王文莊公聯名奏彭雲涓曹竹虛兩前輩董蔗
林同年與余四人翼日

命入直懋勤殿

西清
筆記

魯連臺詩翁山五律實爲傑作七律當以沈文恪
一首爲最其詩云城邊一騎射書回此地曾經不

戰摧天下有人秦計阻先生無恙海濱來英雄總
挾神仙氣時俗空驚論辨才南望嚴陵山水窟千
秋異代兩高臺

聽松廬詩話

標題 朱萊峰先生輓詩

五古

祀竈聯句

五古

摘句 必爲天下用乃貴讀書人

靜中求我方知樂局外看人未覺難

詩情添似桃花水春夢輕於柳絮風

一片湖光星萬點家家水閣上燈初

吳省欽

字冲之號白華江南南匯人乾隆二十八年進士

官左都御史有白華詩鈔

君少英敏善屬文年十七爲諸生乾隆二十二年

高宗純皇帝南巡獻賦

召試

賜舉人授內閣中書

春融堂集

三十三年

大考翰詹一等第一擢侍讀同上

君在翰林二十餘年以文學詞賦爲

聖主所知歷主鄉會試所錄多知名之士同上

白華著撰精心果力不屑蹈襲前人衡文荆楚及

西川遇山厲水刻處以五七字寫之散體文于唐

似孫樵劉蛻于宋似穆修柳開亦戛然自异

湖海傳

白華集陝蜀道中諸作頗有深思厚力

聽松齋詩話

標題 井陘關

古

五丁峽

五古

彌牟鎮觀八陣

圖

七古

平羌渡望鐵索橋

七古

荊州郡齋

石馬槽

傳

是漢壽亭侯故物

七古

慰忠祠

食蟹聯

五古

杏酪聯

五言排律

摘句

一雲肖一物一物幻一影

華嚴頂佛閣觀云海

孤兒如一萍出海跡茫昧明知葬從薄焉
敢緩有待蜃灰暨陶埴審辨極瑣碎庶幾

先事營勿貽後時悔

祠廟籠秦樹人家抱嶺遙

水依天到岸人與月同船

過廟似聞嘶石馬收京且喜斫金蟆

長安懷古

到海長河尊一柱度關太華俛雙旒

蒲州

望姓簪裾天尺五麗人珠翠日重重

山江亭

豈有牽牛聽夜語竟無飛燕鬪春妝

馬嵬

上去笑同驢肯穩坐來驚比馬頭高

竹兜

人間陸險踰川險送險亭如至喜亭

人生只有歸田好不爲南雲也悵然

董 潮

字曉滄號東亭浙江海鹽人乾隆二十八年進士
官庶吉士有東亭詩選

東亭綺歲能詩與沈文恪初有十子之刻既而贅
壻蘭陵兼以飢驅奔走故其詞句淒鏘湖海詩傳

東亭本武進人少孤祖母陳撫之成人贅於海鹽
遂占籍焉性至孝讀書慷慨負志節工詩文兼善
六法與夏槐雲朱笠亭陸太冲及同郡知名之士
結社聯吟有嘉禾八子之目嘗賦紅豆樹歌傳誦
都下稱爲紅豆詩人卒年三十六兩浙錄

標題 唐花詞七古

摘句 惟君共此心語俗必大異

已悲閱世同劉峻莫更逢人說項斯

橘柚本難栽北地鷗鴟還自戀南音

半春孤客忘寒食一夜東風又杏花

斷雲將雁隨烟沒野水如天帶月流

由來恩怨終亡國未有英雄肯忌才

廉蘆祠

青史幾人高諫議白麻當日哭延英

陽城中山

郡控三關雄巨鹿峰連千里走飛狐

中山

人事只如鴻印雪俗情偏喜鶴乘軒

王嵩高

字少林江南寶應人乾隆二十八年進士官平樂府知府

少林門第清華文學之傳師承有自吟編甚富今所採者游梁一集耳以郎中出守粵西未及歲以乞養歸遂不復出一爲安定書院院長而卒

湖海詩傳

王司馬江左清門學有源本早年得第譽滿長安咸以未入承明爲惜薄游南北攬古探奇詩格駿駿日上既而謁選歷宰繁區鞅掌之餘吟卷益富真可爲此事便廢者一雪斯言

吳會英才集

標題 太皞宓犧氏陵

五言排律

摘句 曲直得情理剖決無畱疑兩造各俯首何

用加鞭笞

羣動各有歸勞者難爲心

獨客畏秋氣思歸多苦吟

三花樹色開神岳萬里河聲下孟門

小人有母誰加飯遊子辭家未授衣

施朝幹

字鐵如江南儀徵人乾隆二十八年進士官宗人
府府丞有正聲集

鐵如詩樸質清真生澀刻峭居官如其詩在京師老屋數椽寒菹冷炙夫婦相得怡然終不與熟官來往稍遷京卿督湖北學政荆襄閒潢池告警憂

瘁而亡其門人伊太守湯安刻其詩

湖海詩傳

摘句 春星兼烏落山雨接潮來

士瘠憂人事年饑出吏才

中原秋色高嵩嶽孤劍寒雲落大河

褚廷璋

字左義號筠心江南長洲人乾隆二十八年進士

官翰林院侍讀學士

筠心敏慧絕倫兼有荀令謝郎之目進詞館充方
略館纂修于準夷回部山川風土最爲諳悉奉
勅纂西域圖志又纂西域同文志并通等音字母之學詩
初學青邱旣學元白旨遠詞文卓然大雅湖海詩傳

摘句

山圍蒲類分西谷雲護沙陀拱北庭

烏魯木齊

漢蒲類國地唐爲北庭大都護府

海氣萬重吞麗水山容三面負祁連

伊犁

伊犁河唐時名伊麗河亦曰伊麗水山即古祁連山

塞月已寒三葉護邊風猶動五單于

雅爾

漢五單于地唐三姓葉護地

千屯此日開榆塞十箭當年阻玉關吹

唐沙汰羅哩利失可汗分十部部授一箭
日十箭居碎葉東西境

焉耆鎮啟龍遊遠都護城懸烏壘尊哈喇

唐設焉耆都督府爲四鎮之一其西爲
漢烏壘城

東榮姑墨千年磧南走于闐一綫河

阿爾蘇

阿克蘇爲古溫宿地其東爲古姑墨國地

大乘西來畱法顯重源東下問張騫

和闐

和闐爲古于闐唐設毗沙都督府
兩源一出于闐

李調元

字雨村四川緜州人乾隆二十八年進士官

兵備道有童山詩集

雨村觀察襟懷瀟灑跌宕不羈家藏書多至萬卷
嘗輯函海一書卷帙繁富又愛才若渴撰雨村詩
話人有一聯片語之佳者輒采而錄之

聽松廬文鈔

好色復好書遇事太果斷此祝芷塘懷李雨村詩

也二語頗肖其人

聽松廬話

朝鮮四家詩四家者李晝九洛瑞柳得恭惠風朴
齊家次修李德懋懋官也雨村詩話采其詩四家
中朴齊家之名尤著同上

敢言勤學通今古深愧爲人在下中

帆迴山背風無力艣剪江心月有聲

梁泉

字崇簡號弼亭廣東順德人乾隆三十年鄉試第

一

弼亭爲文原本史漢取裁莊騷有遺文四卷

廣東志

己丑成進士卷出桐城張闔士房總裁賞其文闔士喜見於色同列銜之因假磨勘傾闔士至失官弼亭遂被斥革

嶺海詩鈔

摘句木落屋依平地出霜空人坐一天寬

勞 潤

字潤之號羲野廣東南海人乾隆三十年舉人官國子監學正

羲野常言讀孔子書得一言曰務民之義讀孟子書得一言曰強爲善而已矣讀朱子書得一言曰切己體察魚山文集

先生家居奉母絕意仕進從學者歲常數百人立學約八則戒約七則曰苟犯此者勿入吾門也嘗以六事自期曰傳先集葬先墳建宗祠濟族人定世居報知己自言諸事皆就理惟報知己有未盡

或曰君於馮潛齋盧紹弓兩業師皆視猶父潛齋
晚年供給尤至尙不足云報知己耶先生曰是報
恩耳非報知己也師所期於余者在立身行道之
大節豈淺淺于有無緩急之際耶

雁山文鈔

先生著有四書擇粹救荒備覽讀史隨筆諸書同上
摘句 美人自昔憐芳草名士由來讀楚辭

閭循觀

字懷庭號伊蒿山東昌樂人乾隆三十一年進士
官考功司主事有西澗草堂集
懷庭學行醇篤時目爲真儒官考功一秉直道事

或齟齬輒不盡押同列或強之答曰吾學何事豈至是變耶吏或舞文亦不遽責取陳文恭公所刻在官法戒錄爲講說曰存其廉恥俾知悔改安見吏不可教也在部三年以病請假歸未幾卒年四十有五著有西澗草堂文集困勉齋私記尙書讀記毛詩讀記春秋一得論語譜名人小傳見澗隨筆諸書

國朝山左詩續鈔

摘句 茅茨意自足小憇情何深童稚知禮數雞犬含淳心

濕烟斷樵徑渝雲出林屋

微官忌太直結習安得存抑心復柔氣猶

有見忤言

汪孟鋗

字康古浙江秀水人乾隆三十一年進士官吏部主事有厚石齋集

康古曾祖晉賢先生讀書好友建裘杼樓以貯圖史有華及堂以延賓客故子孫皆好學能文康古與弟仲鈺咸以詩名康古兼精術數自謂壽命不過五旬屆時而卒子如藻如洋湖海詩傳

標題 崛嶸碑搨本二十韻

五言排律

摘句 客心爭歲晚如鳥思歸巢舟行到淺水東

手無如何

得句從來勝得官

朱炎

字桐川號笠亭浙江海鹽人乾隆三十一年進士
官阜平知縣有楓江湖樓諸集

笠亭一行作吏而著述之念未嘗一日忘好古多

聞撰陶說六卷又抄明人詩十四卷

湖海詩傳

摘句 繖徑出松梢微茫若懸綆

高閣夕陽殘醉後板橋流水獨吟時

金兆燕

字鐘越號棕亭江南全椒人乾隆三十一年進士官國子監博士有棕亭詩鈔

棕亭遊黃山諸作奇崛可喜又工院本在揚州作旗亭畫壁記虛雅雨遲使刻之生平不耐靜坐愛跳躍多言笑故時人目爲喜鵲湖海詩傳

摘句 寄透天一箇漸漸觀海千里

半簾疎雨客何處滿地落花春欲歸

張錦麟

字瑞夫號玉洲廣東順德人乾隆三十三年舉人

有少游草

錦麟幼慧與兄錦芳並爲北平翁方綱所賞有雙
丁兩到之日年二十九卒

廣東通志

錢辛楣稱其詩標新領異不拾人間唾餘

嶺南羣雅

玉洲詩骨格清蒼情韻絕與胡同謙齊名兩人

太白樓詩亦相伯仲

曉松廬詩話

余愛玉洲七夕絕句云雨餘閒聽葉辭條久客羈
心不自憐獨倚檐前望牛斗秋風秋月可憐宵

同上

標題

楊歷巖

五古

夜遊虎邱

五古

登穹窿望太

湖七古

元夕妙局臺對月

七古

甘露寺

七古

摘句

千山迭迎送一重復一掩

微吟不自覺驚起雪色鷺

江海交流處金焦相對青

好風離岸得新月傍林生

感激飛椎日從容進履時飄然秦楚際偶
作帝王師下邵詠

前身應是江南客纔見金焦喜欲狂一月
風沙隨曉夢半空樓閣出秋光

野岸無人潮欲上碧天如水雁初飛
三面青山四圍水藕花香處笛船多

玉洲因此二句人呼爲張碧天又呼爲張
蓮花

黎建三

字謙亭廣西平南人乾隆三十三年舉人官涇川直隸州知州有學吟草悔初草諸集

謙亭詩云悍民始一二歲久因爲奸免窟錯犬牙烏合互相連涓涓將不塞浩浩成狂瀾此詩殆有慨於除莠之難耶今之會匪莫知其數涓涓不塞其患非細思患豫防所望當事者孰籌之聽松廬詩話

標題 斗米謠

摘句 承恩如夢寐得罪未分明

棄置

故鄉秋裏別明月客中看

雲山入手身猶健官職拋人夢漸安

任大椿

字幼植號芝田江南興化人乾隆三十四年進士

官監察御史

幼植少以詞賦知名既而覃精經術尤熟於爾雅

說文廣雅嘗撰呂忱字林攷逸八卷又刻釋繙九

經三傳沿革例諸書

湖海詩傳

君一甲一名進士分禮部爲儀制司主事時值

詔開四庫館大臣知君才舉爲纂修官是時非翰林而爲

纂修官者凡八人輩與君與焉君著有弁服釋例
深衣釋例小學鉤沉吳越備史注

惜抱軒文集

摘句 放船歸思減久客別人難

盡日吟情連鴈鶩一秋風色在蒹葭

鮑之鍾

字雅堂號論山江南丹徒人乾隆三十四年進士
官戶部郎中有論山詩稿

戶部少負雋才文采秀逸在都門與洪稚存吳穀
人趙味辛唱酬契密法梧門稱爲詩龜四友典試
廣東貴州暨分校禮闈所拔皆名雋

潤故

摘句 白塔出青林紅亭圍碧沼

虹收山店雨月出柁樓烟

水暗疑沈墨山明不受烟

彭翥

字少鵬號南池一號竹林雲南蒙化人乾隆三十年舉人官廣東同知有海天吟

乾隆五十三年福敬齋公相總督廣東調水師出海捕盜時君爲香山令乞公相賞精兵二百往捕許之君捐俸支帑造戰船簡鎗砲火藥賚糗糧徑出海揚帆行百餘里遇盜船發砲擊之賊驚遁數

日賊船八九隻來官兵發砲擊之閉君知賊以穢
物厭勝也殺黑犬取血釁砲砲果發適大軍亦至
擊破賊船賊落水號呼乞命君命以鐵鈎拉起之
縛七百餘人小倉山房文集

南池捕盜政績周導之比之終軍虞詡一流羣雅流集

摘句 溪山本目前烟雲使之遠

四方迷子午一氣闔坤乾泛海

天垂無際水月戀欲歸舟

江楓冷雨啼山鬼浦月芳蘭夢水仙

高齋幾處燒紅燭香霧千門放素馨

廣州夜泊

潘有爲

字卓臣號毅堂廣東番禺人乾隆三十五年舉人官內閣中書

嶺南自三家後比來余所知者張庶常錦芳馮戶部敏昌溫編修汝适潘舍人有爲趙大令希璜而黎簡民爲之冠湖海詩傳

先生受知於王文端公又爲翁覃谿先生入室弟子性落落不事權貴官中書十餘年不遷丁外艱歸不復出所居曰南雪巢又橘綠橙黃山館門外陂塘數頃多種藕花有句云半郭半村供臥隱藕

塘三月春令飛蓋紀實也晚好聲樂嘗梨園菊部演劇爲壽母娛余時未弱冠讀書之暇輒偕先生猶子伯臨昆季往觀焉笙歌院落燈火樓臺歷歷若前日事越十餘年先生歸道山所藏書畫鼎彝亦皆星散惟張樗寮書古柏行一卷銀鈎鐵畫墨寶堪珍今歸伯臨比部可謂得所矣聽松廬文鈔

珠江南岸土名河南穀堂中翰有河南竹枝詞三十首於土風古蹟甚詳起句云楊子宅邊松柏盡地名依舊說河南蓋河南以漢楊孚得名也聽松廬詩話

舍人官京師時上已日同人集竹垞先生古藤書屋詩云先生原不藉花傳地以人傳花更妍雨度宦情春雪後百年風韻石欄邊桃栽似訪元都舊蘭被徒追曲水先吾粵才人吟夢斷夜闌紅雨逼樽前此詩神韻絲邈結二句蓋追感藥亭先生尤令人低徊不盡同上

先生聽雨詩起句云四圍涼透一燈孤極得夜坐聽雨之神同上

摘句

野竹鎖烟移檻遠長蘿牽翠補籬疎六松

青藜閣上光如昔春草池邊夢已差

感舊

千里故人重繢緜十年前事半模糊聽雨

國朝詩人徵略卷四十一

番禺張維屏子樹軒

李懷民

名憲璫以字行號十桐又號石桐山東高密人諸生有十桐草堂集

先生早孤與兩弟蓮塘少鶴相師友嘗與少鶴依張爲主客圖例蒐集元和以後諸家五律詩辨其體格奉張籍賈島爲主朱慶餘李洞以下客焉名曰重訂中晚唐詩人主客圖

國朝詩人
主客圖
錄

單廉夫銘曰先生當虞山漁洋之後獨能刊磨湔

洗一舉而空之

同上

李石桐曰余讀貞元以後近體詩稱量其體格得兩派焉一派張水部天然明麗不事雕鏤而氣味近道學之可以除躁妄祛矯飾一派賈長江力求嶮奧不吝心思而氣骨凌霄學之可以屏浮靡却熟俗子每欲聚集諸家分承兩派訂成一書嫌於創始或驚俗目喜得張爲主客圖本鍾氏孔門用詩之意而推廣之謹依其制尊水部長江爲主云入室升堂及門以次及焉

重訂主客圖

前輩謂學選體者讀初唐學盛唐者看中晚中

人得盛唐之精髓無宋人之流弊

上同

天地間文章祇在當前搜得出便成至文梅宛
曰發難顯之情於當前畱不盡之意於言外二
實盡古今詩法

詞上同

石桐先生生於漁洋秋谷之後而能自闢町畦獨
標宗旨可謂崕然自異不肯隨人步趨者其五言
樸而腴淡而永苦思而不見痕迹用力而歸於白
然五字中含不盡之意五字外有不盡之音粗人
觀之乃曰易易蓋未知此中甘苦也

聽松廬詩話

標題

寄子受

五古第
三首

道旁兒

七古

攜兒輩遊

村市五

摘句 道深意彌歎養至中乃虛

入時性已乖力古氣猶勇

旣云拙進取復不事生產親戚或相謂妻
帑亦憤懣一編聊自娛浩歌秋已晚

優伶蒙繡裳乃與公侯類內蘊苟不充浮
華焉足恃

兩足日著土閒居淡無味登舟未半程舉
步思履地

沾濡花上重瀟灑樹間密稍急始紛喧漸

繁轉寥寂

對雨

風歇林未靜月出水方動

靜中世味淡病後衆情遣

斯人誰不死死身不死人

物情感氣候各自爲秋聲

孤村羣動息遠水夜閒聲想得暗流處無

人空月明

荒圃二三畝種蔬兼種花

買藥寄山客寫詩呈故人

新書借未讀舊句定猶刪

旅病覺寒早獨眠知夜長

朝食嘗新穀秋衣著舊絲

夜雪曉方覺朔風晴更多

隨行一舟月出送滿城人

送張邑侯

長貧爲客易漸老別鄉難

閒思一年事祇見兩封書

有景皆同賞無愁不並知

思人如中病吟成勝拜官

遠山晴始見高樹夜偏聞

母念應扶杖兒迎早候扉從頭說風土語

笑滿庭闈

遠歸

送花如嫁女相看出門時

子受求盆桂詩以送之

福增格

字贊侯號松巖滿洲人官廣東將軍有酌雅齋集
顧國泰序云光明磊落雅健沈雄洵足鼓吹休明

馳騁千古

熙朝雅頌

摘句行人渡河水曉月照潼關

人臥兼旬雨書來千里心

往事嗟陳迹傷心過少年

五陵裘馬無知己四海交遊得幾人

託 廉

字師健號瞻園滿洲人官至吏部尙書諡誠懲有
瞻園詩鈔

庸所居曰瞻園有十八景暇則觴詠於此八旗通志

託冢宰作江寧方伯時一見如平生歡遂贈以二
律有句云七十神仙海鶴姿六年人悔見公遲次
日公過訪坐定忽正色曰吾欲借君一貴重之物
未知肯否余愕然問何物公笑出袖中和韻詩第
二句仍是六年人悔見公遲七字彼此默然隨園詩話

方寸一時得平生萬事非

寒山歷歷路不盡班馬蕭蕭君獨行

蔣韶年

字臨臯漢軍人官山西平度州知州有吏隱集

顧詒祿序云臨臯先生家世閥閱學博才富修書

議敘爲江蘇布政司理問事繁俸薄先生處之泰然克勤其職公餘眺覽山水與二三同僚酌酒賦詩而政事不廢吏隱集

公以直道忤上官遂罷官歸怡然自得吟詠而外惟以教子讀書爲急務家貧無力延師今相國礪

堂先生時方髫齡就傅百里外比相國以弱冠成進士人詞垣公猶矍鑠也廉吏家風德門善慶讀吏隱一集可想見之

聽松廬文鈔

摘句 雪擁山疑失風狂馬不前

一宵將盡臘半紙隔年書

貧餘負郭方容隱宦可言歸便是仙

位因卑處才難見詩到窮時句更新

事少經營驚我老世多閱歷識人情

才未稱官原自解事非由我可原情

田無負郭饑貧缺家有藏書歲月多

高 玥

字乘亭漢軍人官湖州府同知有茗谿宦遊草

徐琨序云蒼老不及杜而斌媚過于香山

雅頌熙朝

摘句 偶此簡書便出門觀雲烟

馬因芳草歇客爲故人畱

身在浮名外心清一磬中

三十年中雙鬢改七千里外一身歸

兆 勸

字佑辰號牧亭又號牧牛子滿洲人有牧子詩錄
不堪持贈吟

不堪持贈吟自跋云半窗冰雪老境寂寥偶作一
二短章不過湖邊茅屋下消遣不淨妄心

熙朝雅頌

摘句 欽足臥雲岑高吟抱明月

明日送春兼送別雨中烟柳濕長條

白衣保

字命之號鶴亭蒙古人官荊州參領

鶴亭參領佳句頗近唐音

聽公廬詩話

摘句 春雨過無迹野花開自然

一徑入山翠諸峰擁寺門

病起初妨酒官閒便擬仙

詩因臨水淡步爲看山遲

急雨過前浦亂蟬鳴夕陽

林空同鶴住果落與猿分

閒思往事還疑夢暫息勞生莫問家

病酒客愁孤館雨惜春人賦落花詩

甘運源

字道淵漢軍人官廣東巡檢有嘯岐詩存

道淵隱於下僚詩多警句其夔州雜詩有云永鎮
蜀門戶全分楚上游二語確是今之夔州蓋所謂
三峽之險古屬於蜀今屬於楚歸州巴東皆湖北

宜昌府所屬也

聽松廬詩話

摘句 蟲叢千里國鳥道百盤山

火循燒白草鹽井上青烟

破硯寒暄共殘書師友存

病閒浮白手雨冷踏青心

單襄槩

字子起山東高密人太學生有夢筑堂詩

子起在日屬李懷民定其詩存六百四十首懷民
請付梓子起不許曰君雖直諒然面對我終不能
無少容隱異日幸先君死君爲我定千秋業乃無

毫髮容情耳子犯歿懷民覆閱之始歎前言非虛

詞引謙乃爲汰存百首

國朝山左詩續鈔

摘句

杳靄澹空際晴光泛遙綠

娟娟昨夜月待人猶未沈

四野猶殘雨遙峰獨夕陽

還持一片月贈汝炎天行

但能算營欲所得皆靜緣

兒女各已睡獨坐感餘生

汪松

字蒼巖漢軍人官佐領有早聞堂集

七卷以上皆分體八卷曰哀雁集蓋哭妹之詩九
卷曰悲鸞草則悼亡之作十卷以冷巢殘藁終焉
蓋又其晚年所賦此三卷不分體

雅頌熙朝

摘句 亂山排遠岸孤艇入寒流

野花隨路發秋草接天齊

空囊逢儉歲老屋怨愁霖

鳥啼春夢斷雨歇夏雲涼

鼓角秋風清瘴癘樓船春浪壓魚龍

三月棠梨寒食路一雙蝴蝶美人魂

魚腸欲雪先王恥馬骨能傾國士心

金臺懷古

明瑞

字筠亭滿洲人襲封公官至兵部尙書死難緬甸
謚忠烈有北窗吟稿

忠烈工於吟詩雨中過石門云自憐馬上繫鞬客
獨立谿邊問渡船元夜云陌上晚煙飛素練渡頭
殘雪踏銀沙送弟瑤圃使烏斯藏云寒分百戰袍
渴共一刀血皆名句也

隨園詩話

摘句 村舍炊煙溼旗亭酒力微

春雪

騷客興隨秋水遠故人書報菊花開

奎林

字直方號瑤圃滿洲人襲封公官至兵部尙書定
邊將軍

勇冠三軍功垂絕域枕戈之暇不廢筆墨

熙朝雅頌

君以椒房戚畹弱冠侍直

乾清二十餘年四方征討之役無不身在行間終歿

於西藏之江卡橐鞬之暇喜讀史傳嘗閱元史子
問其中愛慕者誰曰耶律文正吾不敢期最慕者

王保保耳

湖海詩傳

奎將軍酷嗜吳梅村詩背誦如流水

南野堂筆記

摘句百年殊夢幻一劍是平生

白馬拳毛雪蒼鷹側翅風

秦庭一哭終存楚越國三軍竟沼吳

毓奇

字鍾山號竹谿滿洲人官漕運總督有靜怡軒集
公以吏科給事巡視漕務時河決考城東注曹充
湖河泛溢通道多阻公乘小舟履度形勢會疏具
奏請自濟寧迤南至江境黃林庄三百四十里內
分爲五段籌辦以備開看運行疏甚詳奏入奉
旨允行及春漕運果無阻滯

上嘉之擢漕運總督襲爵如故公虛懷接下諮詢利病首

具疏請定僉審不實處分略曰漕糧起運首重僉
丁僉選不實爲害匪細近年各省軍丁有紳衿富
戶規避差運一遇報僉百計營謀冀脫軍籍每僉
一丁賣放者數戶編審一次賄脫者逾多轉令赤
貧之徒承充起運臣請嗣後凡有僉丁承僉官按
四年審冊擇殷僉送如有疲丁誤運之事卽照二
十七年前任漕臣楊錫紋奏叅湖廣運丁脫逃之
例將承僉結報各官實降二級不准抵銷庶僉丁
得實不致誤運奏入

勅部議行

聽松齋文鈔

摘句

宣防時患伏蒹秋刷沙砾石勞臣力

昔斬文襄

入公作石工禦水俾冲激鼓盪逼澑刷沙受益不淺

青草池塘黃犢路綠楊村落碧螺天

慶

蘭

字似村瀘洲人諸生有絢春園詩鈔

大學士尹繼善子

雅頌熙朝

似村詩專寫性情獨近劍南

隨園詩話

似村愛蘭而北地無蘭取以自名

湖海詩傳

似村耽吟詠畫筆亦灑落無塵

墨香居畫識

似村有句云作客情懷君已慣典衣風味我纔經

以貴介公子猶嘗此味何況我輩松軒隨筆

摘句

學詩未學書笑倩旁人寫

人同春作別花與蝶爭飛

埽逕迎良友挑燈改舊詩

竹因風定平安久花爲春寒富貴遲

鵲非報喜何妨少雨縱澆花也怕多

看花好似尋良友得句翻疑是舊詩

懷謙

字地山滿洲人官刑部郎中有兩間草堂詩牋
地山郎中有句云漸覺月光淡不知天色明寫曉

行情景逼真

聽松廬詩話

摘句 沙平淡落日天遠入愁心

衰柳夕陽今古道亂山秋色短長亭
靜中庭院梨花雨一曲闌干一段愁

李鴻齡

字彭年號松屋雲南蒙自人土職裔監生

松屋古詩格高味永多見道語近體穠麗中有骨
幹詎圖僻壤毓此奇才

羣雅集

摘句 黃雀飛飛不忘網羅烈士懷恩不忘坎坷

公子天涯猶落魄美人何處憶前身

國朝詩人徵略卷四十一

國朝詩人徵略卷四十二

番禺張繼屏子樹輯

汪中

字容甫江南江都人貢生

容甫年二十試第一爲學生乾隆四十二年拔貢
生容甫通五經正義及羣經註疏由經暨史於天
文地理六書九章與高郵王君念孫及劉君端臨
聲望相上下是時

朝廷方修四庫館書書成頒於揚州杭州俾各建閣
以儲之而書帙浩繁裝潢編排鹽政全君難其人

予以容甫答遂使主閣事明年全君調杭州重容甫才又兼掌文瀾閣因至杭州館梁孝廉玉繩家以乾隆五十九年九月二十日終於杭

春融堂集

容甫多聞彊記經史金石悉心研究嘗得漢石闕

畫以五千錢從寶應見歸其癖如此性情兀傲凌

轢時人故人多短之生平所著有廣陵通典三十

卷春秋後傳二十卷述學四卷又選屈宋以下哀

豔之文爲傷心集若干卷比其歿也子穉著作皆

不可攷阮閣學元僅獲其述學重梓之

湖海詩傳

摘句 高言王霸略衣食苦無策

少壯不用世垂老反任官年命苟不延後
世何所觀

畏讒多禮數居賤習憂勞

親老兼多病身孤更遠遊

素心忘世味黃綬屈詩人

青天明月不改色今日登樓無此人

太白樓

驚心歲月中年速過眼雲煙舊恨多

程夢湘

字荆南江南丹徒人貢生官清泉知縣有松寥山

館詩鈔

松寥集資清以化乘氣以霏所謂水仙數萼冰梅

半樹未足喻其芳潔也

湖海詩傳

標題

張公洞

五古

夜宿雲林曉步冷泉亭上

五古

摘句

水清不受月月出見湖底

遙屋寒流靜開門雪正深

不復似人境好風來自東花明鳥影外香

滿磬聲中

昨宵病酒今朝雨況復懷人更送人

蘇加玉

字維晉號餐霞江南太倉人諸生有蓼蟲吟稿

維晉才情雄傑骨力開張同里汪衡玉少司空視
學安徽江右河南所至必偕性好游凡遇名山故
蹟必登臨吟嘯而去歸而貧甚年逾六十猶作童
子師以自給余嘗過所居繩樞圭竇頰首而入見
其敗氈破席吟咏自如雖饔飧不繼弗顧也

湖海詩傳

標題 發硃砂菴過天門至老人峰歷巢雲洞上

小心坡渡斷凡橋抵蓬萊島穿一縫天遂

登文殊院

五古

文殊臺看前海諸峰

七古

摘句

堅壁一夫怒環攻萬騎怯在德豈在險自

焚悔不戢虎視羣雄吞鹿逐劉項入誰知

百二封莫敵三章法

函谷關

諸葛心存漢畱侯志報韓文

信國祠

高密建功能再造武鄉遺憾竟三分

南陽

殷如梅

字果園江南元和人諸生有綠滿山房存稿

果園安貧樂道苦節自貞乾隆庚子春予扈

蹕至吳閩偕沙斗初步屢訪之衡門兩版在橫橋疎柳間

算瓢屢空嘯歌不輟蓋錢穀居節一流人也

湖海詩傳

摘句 好句有時堪入畫閒情無日不提壺

東風綠到門前柳小雨香生砌下蘭

茶烟不共晨炊斷梅雨能令午夢涼

半畝瓜壺秋色早一庭梧竹雨聲多

尙憶使船如使馬獨憐擒賊未擒王韓斬

吳照

字照南江西南城人貢生官教諭有聽雨齋集

照南才華清綺訛蕩不羈少得詩法於禮堂光祿
以唐人爲師通六書又工畫竹人以爲金錯刀之

比湖海詩傳

摘句 開精斗室中掃萬惟一戀

貧專邱壑原奇福老閱風霜作散材

路熟重尋前代寺天晴補看去年花

氣吞湖海襟期濶老閱炎涼感慨平

投人自笑非高士安分居然羨老僧

金慰祖

字繩武號蘭嶼浙江嘉定人貢生有綠雨山房稿

蘭嶼詩才繁富南昌彭司空視學東南愛之

湖海詩傳

摘句 貞非柳下惠寧學魯男子廉非吳隱之勿

飲貪泉水

飄零弱主封歸命憔悴詞臣著辨亡

讀書新有珠船獲論古還看玉塵揮

兩代詩名元好問畢生心事沈初明吳梅村

燕子話殘樓外雨梨花夢斷夜來雲

何青

字數峰江南歙縣人太學生官知縣有味餘樓稿
數峰風雅宜人竹君爲安徽學使特加識拔數奇
不遇溷於鹽筴近始鳴琴花縣世論惜之湖海詩集

摘句 未梯絕巘雲先臥孤嶺月

向背三州外陰晴一息間

天都峰

余鵬翀

字少雲江南懷寧人太學生有息六齋遺稿

少雲鵬年之弟少有逸材工水墨畫往來燕晉所
遇名山水輒以詩寫之未幾卒

湖海詩傳

摘句 割雞契先聖雕蟲羞壯夫

寫竹不滿十數葉能使葉葉生長風

玉川搜腸五千卷鄴侯過眼三萬箋

地返舊遊如故里天生有用卽勞人

朱彭

字亦錢號青湖浙江錢塘人諸生有抱山堂集

西冷自金江聲厲契榭杭堇浦汪槐塘諸公後大
雅將淪青湖獨承其後以詩法指示騷壇故二三

十年來從游甚衆每言浙江明季多學鍾譚漸北
於正自雲間陳臥子先生司李山陰差知復古後
如西泠十子皆奉司李之餘緒西河毛氏幼承賞
識亦宗其旨卽竹垞太史初時並效唐音百餘年
來浙中詩派實本雲間至康熙中葉小變其格繼
吳孟舉查初白出始競爲山谷誠齋之習構李學
者靡然從之而武林兼學唐宋無所取裁故青湖
專以歸愚宗伯別裁諸集傳示學者於詩自爲有
功今年已七十餘多識前言往行實爲一時文献
著有吳越古蹟攷若干卷其詩古體矩矱從容今

體聲情高遠又錄其弟子李方湛蔣炯徐鉞諸人
及其子棫壬等十三人詩爲同岑詩選子爲之序

今行于世

湖海詩傳

摘句

江流經割據山色閱興亡

歸鳥有寒色晚山無定容

霜摧羣木瘦秋放一峰高

雲淨江天遙辨塔潮迴沙渚忽無田

春當三月原如客人過中年欲近僧

病餘人比寒山瘦秋晚詩如落葉多

人當晚節多憐菊天爲重陽特放晴

朱文藻

字映漘號朗齋浙江仁和人諸生有碧溪草堂稿
朗齋精六書自說文繫傳佩觿汗簡及鐘鼎款識
博古圖諸書無不貫串源流會其旨要又能手親
摩寫韓城相國督浙學時訪而延之至京師佐校
四庫全書又通史學凡紀傳編年紀事通典諸書輒
攷其缺略審其是非先助予修西湖志後助予撰
金石萃編訂正之力最多湖海詩傳

標題 妆城歌七古爲之有樓閣人物可使几上旋轉
摘句 朝章原尙齒天性愛畱賓贈王述菴

尋之有易有不易妙處每在艱難中

尋詩

黃易

字小松浙江錢塘人太學生官運河同知有小蓬萊閣詩

小松尊人松石名樹穀因以小松爲號松石工隸書嘗客于張文敏公家博通金石故小松愛古亦如之官濟寧凡嘉祥金鄉魚臺間漢碑悉搜而出之而武氏祠堂畫像尤多所見漢石經及范式三公山諸碑皆雙鈞以行于世又工填詞官雖不達亦爲名流所重

湖海詩傳

摘句 歸興濃於酒 波光綠上衣

傷心卅八年前事 此日辭親上客船

羅聘

字雨峰江南歙縣人諸生有登岱詩

雨峰爲金壽門弟子能畫尤工梅生有異稟目見
鬼物久之成鬼趣圖殊形異狀宛然吳道子地獄
變相又如讀五王樓炭經也其寫大阿羅漢及摩
訶薩各像足與崔青蚓陳章侯上下又能詩好遊
山通佛理游京師最久垂老歸揚州渤海詩傳

摘句 初登雲未生移時間羃歷忽焉出山腰俄

詞沒山脊翛然天風吹雲開見絕壁登岱

山靈慰勞人娛耳復娛目

靜悟造物心所忌在極樂

方 薰

字蘭底浙江石門人有山靜居稿

東南布衣能詩者自李客山後蘇州張崑南沙斗初吾松翁石瓠而嘉禾爲方蘭底能畫尤工蘭性情和雅翛然自得

湖海詩傳

方薰字蘭士號樗盦詩畫見重於世著有詩八卷詞二卷詩話二卷論書二卷論畫二卷

兩浙輶軒錄

蘭底山水花卉得宋元人秘法錢塘奚鐵生亦以
盡擅名于時浙東西求一鼎足者不可得定香亭
筆談

摘句 孤雲將離心去作寒城雨

古人千載前事事後世師

暇日寄書期別後經年欲語盡燈前

翁春

字澹生號石瓠江南華亭人有賞雨茅屋詩鈔

石瓠遠性風疎逸情雲上汪上舍大經序其詩云
嗜恬澹甘寂寞菽水奉母耕讀教弟年踰四十不
娶不就有司試爲詩一唱三歎如朱絃疏越足以

盡石瓠矣湖海詩傳

摘句 空空雖未談心心亦無礙

孤艇破澄綠數郵明澹霞

松闌孤枕夢蟲語一燈秋

草鱸入夢三間屋風雨論心一紙書

人來山色蒼茫裏春在梅花淺澹時

汪照

字紃青江南嘉定人貢生有陶春館吟稿

紃青少有詩名在練川十二子之列通金石能八
分如臨潼張子祠堂記及修長武縣學記皆其所

書又選宋詩略最爲精當晚年窮經義有齊魯韓

三家詩義證大戴禮註今藏于家

湖海詩傳

摘句 蘭橈徐蕩秦淮水秋月秋風送六朝

張夢喈

字鳳于號玉壘江南華亭人貢生有塔射園詩

玉壘爲文敏公從弟家門鼎盛絕無進取之志掩
關高枕種竹澆花讀書樂道之餘工于篆法爾來
易道荒蕪吳中士大夫無通于大衍者今喆嗣晦
堂傳之亦好古者所當問業也

湖海詩傳

摘句 明月滿空山迷濛香霧遠思古咏梅人亭

國朝詩人集卷之二
開坐忘返

孫魯

字嘯甫浙江嘉善人貢生

嘯甫依人萬里氣宇溫醇老而彌粹

湖海詩傳

摘句 過從三徑多賢友點勘千秋有異書

故園月色歸蓬底永夜江聲撼枕邊

回首獨憐同輩少斷腸翻爲結交多

汪大經

字書年號秋白浙江嘉興人貢生有借秋山居詩
秋白能書善散體文又從沈沃田學詩清新峻拔

羣謂襄杼樓之後勁也

湖濱詩傳

秋白有談箋三十韻句云有明談仲和製箋共稱
善乃祖侍郎公入直邀主眷仲和其從孫斯技妙
獨擅其妙在本色無取朱粉礮觀此詩則今之青
捶箋蓋其遺製余用箋亦喜本質凡箋搨印山水
花卉人物余以爲皆不及本質素地之妙

聽松廬詩話

摘句 人從樹杪上百折乃至頂

暝色歸深樹秋陰染一峰

風聲雨聲戰葉聲萬聲力與萬竅爭
慰藉聊憑三勺酒平安先報一緘書

姜宸熙

字檢芝號笠堂浙江烏程人諸生有陵陽山人集
笠堂克荷門業雅擅聲律又虛懷善受更恐泥古
者患時復取證今賢其結交多半老蒼歸愚文鈔

只有青天月隨子到海邊寒輝終夜照孤館不成
眠把盞渾忘醉臨風獨愴然故園書未至時間渡
江船此姜笠堂詩也雖無奇特却極清真聽松廬詩話

歸安楊拙園知新重刻笠堂詩集與笠堂素未謀
面也余在楚北拙園郵詩見贈神交數載至今亦
未識面拙園蓋以友朋文字爲性命者

松軒隨筆

摘句

忽看芳草路又是踏青時

途窮惟仗友客久似忘家

壁蟲秋靜作人語露葉夜明如水流

客淚不禁雙袖濕十年七夕九離家

長淮一碧桃花水似解鄉心背北流

芮熊占

字飛庵直隸寶坻人貢生有蕉亭閒詠

余讀寶坻三子詩飛庵之作尤能自出已意年五十餘始以副榜貢於鄉翁潤文鈔

李樸園太守光庭芮飛庵先生壻也嘗述先生之

言曰凡讀書者不理解孟子尙志二字不足以爲士作人者打不破財色二關不足以爲丈夫卽此可想見先生之爲人先生翁婿俱有詩癖其爲詩皆抒寫性靈自得天趣冰清玉潤古人豈專美於

前哉

聽松齋文鈔

摘句

月因邊地冷花是故鄉肥

喜仲兄自北歸

夢因貧更幻愁與夜俱長

論境自輸人有樂寬心誰禁我忘憂

灌花堦下雲移影鋤草池邊鳥換聲

論文老豈無談笑宴客貧猶有酒漿

寒舍今年添一事拈香除夜拜花仙

水仙花